



Մ Ա Յ Ր Ա Թ Ո Ռ Ո Ւ Մ

ՓԵՏՐՎԱՐԻ 6-ԻՆ, ՇԱՐԱԹ, Հոգևոր Ճեմարանի հանդիսությանց դահլիճում տեղի ունեցավ հերթական գրական-գեղարվեստական երեկոն, ուսանողության ուժերով:

Երեկոյին ներկա էր նաև Վեհափառ Հայրապետը, ի գլուխ ամբողջ միաբանության: Քրիստոսի սուրբ ծննդյան խորհրդի մասին իրենց փորձնական քարոզները կարդացին Գլխարանի ուսանողներ Խորեն սարկավազ Պալյանը և Հակոբ սարկավազ Պողպալյանը:

Ապա գործադրվեց ճոխ հայտագիր՝ բաղկացած արտասանություններից, մեներգերից և խմբերգերից:

Երեկոյի վերջում ուսանողությանը հայրական խոսք ուղղեց Վեհափառ Հայրապետը:



ՓԵՏՐՎԱՐԻ 13-ԻՆ, ՇԱՐԱԹ, Վեհափառ Հայրապետի կարգադրությամբ Լենինական մեկնեցին գերաշնորհ Տ. Հայկազուն եպիսկոպոս Աբրահամյանը, հոգեշնորհ Տ. Եղիշ վարդապետ Սարգսյանը և Շիրակի թեմի նորընտիր առաջնորդական փոխանորդ հոգեշնորհ Տ. Մաշտոց վարդապետ Թաջիրյանը:



ՓԵՏՐՎԱՐԻ 14-ԻՆ, ԿԻՐԱԿԻ, Լենինականի Ս. Աստվածածին եկեղեցում պատարագեց գերապատիվ Տ. Հայկազուն եպիսկոպոսը և ներկայացրեց հավատացյալներին իրենց նորընտիր և եռանդով լի առաջնորդական փոխանորդ հոգեշնորհ Տ. Մաշտոց վարդապետ Թաջիրյանին:

Սրբազան հայրը և Եղիշ վարդապետը Մայր Աթոռ վերադարձան փետրվարի 15-ին:



ՓԵՏՐՎԱՐԻ 14-ԻՆ, ԿԻՐԱԿԻ, «Տեառնընդառաջ» Մայր Տաճարում պատարագեց և քարոզեց Աղբբջանի թեմի առաջնորդ հոգեշնորհ Տ. Տիրայր վարդապետ Մարտիկյանը՝ «Ես եմ լույսն աշխարհի» բնարանով:



ՓԵՏՐՎԱՐԻ 20-ԻՆ, ՇԱՐԱԹ, Մոսկվայի Ռուսաց Պատրիարքարանում, Մոսկվայի և Համայն Ռուսաստանի Պատրիարք Ալեքսիս Վլադիմիրի շքանշանով պարգևատրեց Ս. Էջմիածնի Մայր Տաճարի լուսարարապետ գերաշնորհ Տ. Սահակ արքեպիսկոպոս Տեր-Հովհաննիսյանին՝ նրա ծննդյան 80-ամյակի կապակցությամբ, երբ սրբազանը գտնվում էր Մոսկվայում, որպես անդամ Վեհափառ Հայրապետի գլխավորած եկեղեցական պատգամավորության, մասնակցելու համար ընդհանուր զինաթափման օգտին սովետական հասարակչության ներկայացուցիչների կոնֆերանսին:



ՓԵՏՐՎԱՐԻ 27-ԻՆ, ՇԱՐԱԹ, երեկոյան ժամը 6.30-ին, Հոգևոր Ճեմարանի հանդիսությանց դահլիճում, Վեհափառ Հայրապետի նախագահությամբ, տեղի ունեցավ հանդիսավոր երեկո՝ նվիրված Երուսաղեմի հանգուցյալ պատրիարք Եղիշ արքեպիսկոպոս Դուրյանի ծննդյան հարյուրամյակին:

Երջանկահիշատակ Եղիշ արքեպիսկոպոս Դուրյանի կյանքի և գործունեության մասին հետաքրքիր և բովանդակալից զեկուցում կարդաց նրա աշակերտ և Հոգևոր Ճեմարանի վերատեսուչ գերաշնորհ Տ. Հայկազուն եպիսկոպոս Աբրահամյանը:

Երեկոյին ընթերցվեցին Եղիշ արքեպիսկոպոս Դուրյանի «Օջական» (Զոհրապ Շամլյան), «Անառակը» (Սարգիս սարկավազ Սարգսյան), «Էմմաուսի ճամբորդները» (Վառնապուհ Ժիհանյան), «Քարացած սիսեռները» (Հակոբ Կյոքճյան) և այլ բանաստեղծություններ «Դրվագներ մանուկ Հիսուսի կյանքին» հատորից: Ընթերցվեցին նաև Դուրյան սրբազանի Շնորհալու տաղերի աշխարհաբար թարգմանություններից հատվածներ:

կատարվեցին համապատասխան մենեդ-
գեր և շարականներ:

Հոգևոր Ճեմարանի ուսանողները սրտագին
երախտագիտությամբ նշեցին Դուրյան մեծ
ուսուցչի և ամբասիր հոգևորականի ծննդյան
100-ամյակը:

Վերջում փակման խոսքն ասաց Վեհափառ
Հայրապետը, ոգեկոչելով Դուրյան պատ-
րիարքի քաղցր հիշատակը:



ՓԵՏՐՎԱՐԻ 28-ԻՆ, ԿԻՐԱԿԻ, Բուն բարե-
կենդան: Մայր Տաճարում փակ խորանի
առաջ պատարագեց արժանապատիվ Տ. Հա-
կոբ քահանա Հակոբյանը: Քարոզեց գերա-
շնորհ Տ. Հայկազուն եպիսկոպոս Աբրահամ-
յանը՝ «Ոչ միայն հացի կեցե՛ մարդ, այլ
նաև ամենայն բանիւ որ ելանէ ի բերանոյ
Աստուծոյ» բնաբանով:

Սուրբ պատարագին ներկա էր Վեհափառ
Հայրապետը:



ՓԵՏՐՎԱՐԻ 28-ԻՆ, ԿԻՐԱԿԻ, երեկոյան
ժամը 8-ին, Վեհափառ Հայրապետը բարե-
հաճեց նախագահել Մայր Աթոռի սեղանա-
տանը միաբանության Բարեկենդանի ճաշին:



ՓԵՏՐՎԱՐԻ 29-ԻՆ, ԵՐԿՈՒՇԱՐԹԻ, Մայր
Աթոռ Ս. Էջմիածին ժամանեց Վրաստանի
հայոց առաջնորդ գերաշնորհ Տ. Կոմիտաս
եպիսկոպոս Տեր-Ստեփանյանը:



ՄԱՐՏԻ 2-ԻՆ, ՉՈՐԵՔՇԱՐԹԻ, ՍՍՈՒՄ ՄԻ-
նիստրների Սովետին առընթեր Կրոնական
պաշտամունքների գործերի խորհրդի նախա-
գահ պր. Պուզինը և նույն խորհրդի աշխա-
տակից պր. Սուլվյովը այցելեցին Մայր
Աթոռ, ընկերակցությամբ Հայկական ՍՍՈՒ

Սինիստրների Սովետին առընթեր Հայ Եկեղե-
ցի գործերի խորհրդի նախագահ պր. Մարգի-
թասպարյանի:

Հարգելի հյուրերը դիտեցին Մայր Տաճա-
րը, ծանոթացան Ս. Էջմիածնի տեսարժան
հնություններին և այնուհետև այցելեցին
Վեհափառ Հայրապետին:



ՄԱՐՏԻ 2-ԻՆ, ՉՈՐԵՔՇԱՐԹԻ, Մայր Տա-
ճարում առավոտյան ժամերգության կից
կատարվեց Մեծ պահոց առաջին հանդիսա-
սավոր Արևազալի ժամերգությունը, որին
ներկա էր Վեհափառ Հայրապետը:



ՄԱՐՏԻ 4-ԻՆ, ՈՒՐԱԼԹ, երեկոյան խաղա-
դական ժամերգությունից հետո, Մայր Տա-
ճարում կատարվեց Մեծ պահոց առաջին
«Եկեցե՛»-ն, Վեհափառ Հայրապետի նա-
խագահությամբ:



ՄԱՐՏԻ 5-ԻՆ, ՇԱՐԱԹ, ժամը 7-ին, Հոգևոր
Ճեմարանում դասախոսություն կարդաց Վե-
հափառ Հայրապետը «Աղոթքի մասին» թե-
մայի շուրջ, որը լսվեց ուսանողության կող-
մից չերմ հետաքրքրությամբ:



ՄԱՐՏԻ 6-ԻՆ, ԿԻՐԱԿԻ, «Արտաքսման» կի-
րակի օրը, Մայր Տաճարում պատարագեց
հոգեշնորհ Տ. Եղիշե վարդապետ Սարգսյա-
նը, իսկ քարոզեց գերաշնորհ Տ. Սահակ
արքեպիսկոպոսը:

Սուրբ պատարագին ներկա էր Վեհափառ
Հայրապետը:

Սուրբ պատարագին ներկա էին նաև Իրա-
քից և Հայկից ժամանած հայ ուխտավոր-
ներ, որոնց պատարագից հետո ընդունեց
Վեհափառ Հայրապետը:

